

Headline	Priya tepati ramalan emas acara karate		
MediaTitle	Sinar Harian		
Date	11 Nov 2016	Language	Malay
Circulation	279,000	Readership	837,000
Section	Sukan	Color	Full Color
Page No	54	ArticleSize	159 cm ²
AdValue	RM 2,712	PR Value	RM 8,137



Priya tepati ramalan emas acara karate



Dari kiri: Jia Qi (UTM), Priyashankari Sankar (UPM), Norliyana Zailani (Unisza) dan Zaitun Salam (UUM) menunjukkan pingat masing-masing.

PEMENANG pingat emas Sukan Malaysia (Sukma) Sarawak 2016, Priyashankari Sankar dari Universiti Putra Malaysia (UPM), menepati ramalan apabila memenangi acara kumite individu wanita bawah 50 kilogram (kg) dengan mata 8-0 pada Karnival Sukan Masum Fasa 2 di Kangar, semalam.

KARNIVAL MASUM

Pada aksi akhir, Priya menyatakan lawannya dari Universiti Teknologi Malaysia (UTM), Chew Jia Qi tidak semudah dilihat kerana terpaksa memikul tanggungjawab di samping tekanan meraih pingat emas selepas mereka tewas dalam acara berpasukan pada saingan hari pertama.

"Saya juga menghadapi sedikit kesukaran kerana saya beraksi dalam dua acara, individu dan berpasukan. Acara berpasukan kami dapat gangsa, jadi untuk individu saya diletakkan harapan tinggi untuk dapat emas," katanya lagi.

Priya juga melihat Karnival Sukan Masum sebagai platform terbaik bagi mengasah bakatnya dalam sukan institusi pengajian tinggi dan seterusnya dapat melayakkan diri beraksi di peringkat lebih tinggi seperti Sukan Universiti Asean yang diadakan secara dwitahunan.

Sementara itu, atlet dari Universiti Malaysia Kelantan (UMK), Kalaikumar Vijayakumar meraih emas pertama universiti dalam acara karate dalam sejarah penyertaan.

Kalaikumar yang beraksi dalam kategori individu lelaki bawah 67kg, menewaskan Ade Arieff Jobin dari Universiti Islam Antarabangsa (IIUM) dengan pungan mata 4-0.